

卷一

東坡集卷第一

詩四十七首

辛丑十一月十九日既與子由別於鄭州

而門之外馬上賦詩一篇寄之



不飲胡為醉兀兀此心已逐歸鞍發歸人猶自念庭  
闈今我何以慰寂寞登高回首坡隴隔惟見烏帽出  
復沒苦寒念爾衣裘薄獨騎瘦馬踏殘月路人行歌  
居人樂僮僕怪我苦悽惻亦知人生要有別但恐歲  
月去飄忽寒燈相對記疇昔夜雨何時聽蕭瑟君知  
此意不可忘慎勿苦愛高官職

嘗有夜雨則本  
之吉故云爾

和子由澠池懷舊

人生到處知何似，應似飛鴻踏雪泥。泥上偶然留指  
爪，鴻飛那復計東西。老僧已死成新塔，壞壁無由見  
舊題。往日崎嶇還記否，路長人困塞驢嘶。注：歲馬死於二度別。

通至

次韻和劉京兆石林亭之作石本唐苑中  
物散流民間劉購得之

都城日荒廢，往事不可還。惟餘故苑石，漂散尚人間。  
公素始購蓄，不憚道里艱。盡從塵埃中，來對冰雪顏。  
瘦骨拔凜凜，蒼根漱潺潺。唐人唯奇章，好石古莫攀。

盡令屬牛氏，刺鑿紛班班。嗟此本何常，聚散實猶環。  
人失亦人得，要不出區寰。君看劉李未，不能保河關。  
況此百株石，鴻毛於太山。但當對石飲，萬事付等閒。

壬寅二月有詔令郡史分往屬縣減決  
囚禁自十三日受命出府至寶雞號郿盩  
屋四縣既畢事因也朝謁太平宮而宿於  
南溪溪堂遂並南山而西至樓觀大秦寺  
延生觀仙遊潭十九日廼歸作詩五百言  
以記凡所經歷者寄子由

遠人罹水旱 王命釋俘囚 分縣傳明詔 循山得勝

遊蕭條初出郭曠蕩實消憂薄暮來孤鎮登臨憶武  
侯崢嶸依絕壁蒼茫瞰奔流半夜人呼急橫空火氣  
浮天遙殊不辨風急已難收曉入陳倉縣猶餘賣酒  
樓煙煤已狼藉吏卒尚牙林十三日宿武城鎮即俗  
所築是夜二鼓賣雜火作雞嶺雲霞古龍宮殿宇幽  
相去三十里而見於武城雞嶺雲霞古龍宮殿宇幽  
峯龍言寺南山連大散歸路走吾州欲往安能遂將  
還為少留回趨西號道却渡小河洲聞道磻溪石猶  
存渭水頭蒼崖雖有迹大釣本無鈎十四日自寶雞  
有磻石在縣東南十八里猶  
有後竿說即雨磻所者之處東去過郿塢孤城象漢  
劉誰言董公健竟復伍子鮮白刃俄生肘黃金漫似

丘十五日至郡縣縣有董卓城平生聞太白一見駐

行騶鼓角誰能試風雷果致不巖崖已奇絕冰雪更

凋鏤春早憂無麥山靈喜有湫蛟龍懶方睡餅罐小

容偷是日晚自郿起至青秋鏤宿道過太白山相傳  
云軍行鳴鼓角過山下致雷雨山上有湫甚

靈以今歲早二曲林泉勝三川氣象侔近山麩麥早

臨水竹篁脩十六日至盤屋以近由地美氣候  
殊早絲有官竹園十數里不絕先帝

膺符命行宮畫冕旒侍臣簪武弁女樂抱笙篥祕殿

開金鑲神人控玉蚪黑衣橫巨劔被髮凜雙眸十七  
日寒

食自盤屋東南行二十餘里朝謁太平宮二聖御

容此宮乃太宗皇帝時有神降於道士張守真以  
告受命之符所為立也避迨逢佳士相將弄絲舟按

神封翊聖將軍有殿

篙披綠行濯足亂清溝晚宿南谿上森如水國秋遠

湖栽翠密終夜響颼颼是日與監宮張景之汎冒曉

窮幽邃操戈畏炳彪十八日循終南而西縣尉以甲

虎尹生猶有宅老氏舊停朝問道遺蹤在登仙往事

悠馭風歸汗漫閱世似蜉蝣羽客知人意瑤琴繫馬

鞦不辭山寺遠來作鹿鳴幼帝子傳聞李巖堂髣像

緜輕風幃幔卷落日髻驟愁入谷音驚蒙密登坡費

挽樓亂峰曉似梨一水淡如油中使何年到金龍自

古投千重橫翠石百丈見游鯨最愛泉鳴洞初嘗雪

入狹滿餅雖可致洗耳歎無由謂是日遊崇聖觀俗所

寒山脚有授經臺尚在遠與張景之同至大秦寺早  
食而別有太平宮道士趙宗有花琴見逸至寺作  
鳴之引乃去又西至延生觀觀後上小山有唐玉真  
公主修道之遺迹下山而西行十數里南入黑水谷  
谷中有滯名仙遊潭上有寺三倚峻峯面清溪樹林  
深翠怪石不可勝數潭水以繩絕石數百尺不得其  
底以瓦礫枝之翔揚餘下食頃乃不見其清激如此  
遂宿於中興寺時中有五女洞洞中不見其清激甘  
日又明泉二解編至忽憶尋蟻培方冬脫麻裘山川良  
甚似水石亦堪儔惟有泉旁飲無人自獻鼎昔與子

太白山下早行至橫渠鎮書崇壽院壁

馬車續殘夢不知朝日昇亂山橫翠幃落月淡孤燈  
奔走煩郵吏安閑媿老僧再遊應眷眷聊亦記吾曾

培時方冬洞中  
温温如二三月

留題延生觀後山上小堂

溪山愈好意無厭上到巉巉第幾尖  
深谷野禽毛羽怪上方仙子鬢眉纖  
不慙弄玉騎丹鳳應逐常娥駕老蟾  
澗草巖花自無主晚來蝴蝶入疎簾

留題仙遊潭中興寺寺東有玉女洞洞南有馬融讀書石室過潭而南山石益奇潭上有橋畏其險不敢渡

清潭百丈皎無泥山木陰陰谷鳥啼  
蜀客曾遊明月峽秦人今在武陵溪  
獨攀書室窺巖竇還訪仙姝歎石閨  
猶有愛山心未至不將雙脚踏飛梯

石鼻城

平時戰國今無在陌上征夫自不閑  
北客初來試新險蜀人從此送殘山  
獨穿暗月朦朧裏愁渡奔河蒼茫間  
漸入西南風景變道邊脩竹水潺潺

礪溪石

墨突不暇點孔席未嘗暖安知渭上叟  
跪石留雙趺一朝嬰世故辛苦平多難  
亦欲就安眠旅人譏客媿

郿塢

祔中甲厚行何懼塢裏金多退足憑畢竟英雄誰得似臍脂自照不須燈

樓觀春始皇始立君子廟共

門前古碣卧斜陽閱世如流事可傷長有遊人悲晉  
惠極修遺廟學秦皇丹砂久害井水赤白木誰燒厨  
竈香聞道神仙亦相過只疑田叟是庚桑

九月二十日微雪懷子由弟二首

岐陽九月天微雪已作蕭條歲暮心短日送寒砧杵  
急冷官無事屋廬深愁腸別後能消酒白髮秋來已  
上簪近買貂裘堪出塞忽思乘傳問西縣

江上同舟詩滿篋鄰西分馬涕垂膺未成報國慙書  
初豈不懷歸畏友用官舍度秋驚歲晚寺樓見雪西

誰登遙知讀易東窓下車馬敲門定不磨

病中聞子由得告不赴商州三首

病中聞汝免乘高旅鴈何時更著行遠別不知官爵  
好思歸苦覺歲年長著書多暇真良計從官無功漫  
去鄉惟有王城最堪隱萬人如海一身藏

近從章子聞渠說苦道商人望汝來說客有靈慙直  
道通翁久沒馱凡才夷音僅可通名姓瘦俗無由辨  
頭顛答策不堪宜落此上書求免三何執韓子

辭官不出意誰知敢向清時怨位卑萬事悠悠付杯  
酒添年冉冉入雙鬢策曾忤世人嫌汝易可忘憂家

有師此外知心更誰是夢魂相覓苦參差

病中大雪數日未嘗起觀蹄令趙薦以詩相屬戲用其韻答之

經旬卧齋閣終日親劑和去不知雪已深但覺寒無

柰飄蕭恣紙鳴唯默誓板墮關中皆以板為簷以風颭助疑列

憐慢困批數惟思近醇醲未敢窺璨瑳何時反炎赤

却欲躬曰磨誰云座無檀尚有裘充貨西隣歌吹教

促席寒威杜崩騰皆成逕繚繞飛入坐人歡瓦先融

飲雋解屣卧嗟余獨愁窳空室自困珂欲為後日賞

恐被遊塵流寒更報新霖皎月懸半破有客獨苦吟

清夜自課詩人例為寒弄句吐寒餓何當暴雪霜

麻以躡却質

歲晚相與認問為餽歲酒食相邀呼為別

歲至除夜達且眠為守歲蜀之風俗如

是余官於岐下歲暮思歸而不可得故為

此三詩寄子由弟

魏歲

襄功各已收歲事得相佐為歡恐無見假物不論貨

山川隨出產貧富稱小大真盤巨鯉橫發籠去雙兔

卧富人華靡綵繡光翻座貧者愧不能微挈出春



磨官居故人少里巷佳節過亦欲舉鄉風獨侶無人  
和

別歲

故人遠千里臨別尚遲遲人行猶可復歲行那可追  
問歲安所之遠在天一涯已逐東流水赴海歸無時  
東隣酒初熟西舍蔬亦肥且為一日歡慰此窮年悲  
若差舊歲別行與新歲辭去去勿回顧還君老與衰

守歲

欲知垂盡歲有似赴壑蛇脩鱗半已沒去意誰能遮  
况欲繫其尾雖勤知奈何兒童強不睡相守夜謹譚

畏難且勿唱更鼓長添福坐久燈燼落起看北斗斜  
明年豈無平心事恐嗟蛇努力盡今夕少年猶可誇

和子由踏青

春風陌上驚微塵遊人初樂歲華新入闌正好路旁  
飲麥短未怕遊車輪城中居人厭城郭喧聞曉出空  
四隣歌鼓驚山草木動單瓢散野鳥鳶馴何人聚眾  
稱道人遮道賣符色怒瞋宜蠶使汝蠶如蠶宜畜使  
汝羊如麝路人未必信此語強為買服襪新春道人  
得錢往沽酒醉倒自謂吾符神

和子由蠶市

蜀人衣食常苦艱蜀人遊樂不知還千人耕種萬人  
食一年辛苦一春閑閑時尚以蠶為市共忘辛苦逐  
欣歡去年霜降斫秋荻今年箔積如連山破馭為輪  
土為金爭買不翅金與紙憶昔與子皆童壯年年廢  
書走市觀市人爭誇閩巧智野人暗迎遭欺謾詩來  
使我感舊事下悲去國悲流年

和子由苦寒見寄

人生不滿百一別費三年三年吾有幾奔擲理無還  
長恐別離中摧我髮與顏念昔喜者書別來不成篇  
細思平時樂乃為憂所緣吾從天下士莫如與子歡

羨子久不出讀書蟲生擅文夫重出處不退要當前  
西羌解仇隙猛士憂塞孺廟謀雖不戰虜意久欺天  
山西良家子錦緣貂裘鮮千金買戰馬百寶粧刀琴  
何時逐汝去與虜試周旋

和子由論書

吾雖不善書曉書莫如我苟能通其意常謂不學可  
貌妍容有頰璧美何妨脣端莊雜流顯剛健含矜  
好之每目譏不謂子亦頗書成輒奔去縱彼旁人  
皆云本闊落結束入細糜子詩亦見推語重來敬荷  
邇來又學射力薄愁官寄

官十一把箭耳多好

成不精安用夥何當盡屏去萬事付懶情吾聞古書  
法守嚴莫如彼世俗筆苦騎衆中強鬼賊鍾張忽已  
遠此語與時左

記所見開元寺吳道子畫佛滅度以答子  
由

西方真人誰所見衣被七寶後雙後當時俯道頭平  
苦柏生兩肘烏巢有初如濛濛隱山玉漸如濯濯出  
水蓮道成一旦就空滅奔會四海悲人天翔禽哀響  
動林谷獸鬼躑躅淚迸泉龍眉深目彼誰子遠牀彈  
指性自圓隱如寒月隨清晝空有孤光留故壘春遊

古寺拂塵壁遺像久此靈香煙畫師不復寫名姓皆  
云道子口所傳後橫固已蔑孫鄧有如巨鱗吞小鱗  
來詩所誇孰與此安得攜掛其旁觀

和子由寒食

寒食今年二月晦樹林深翠已生煙遠城駿馬誰能  
借到處名園意盡便但挂酒壺那計盞偶題詩句不  
須編忽聞帝賜鷲鷲林江上何人治慶田

和劉長安題薛周逸老亭周最善飲酒未  
七十而致仕

近聞薛公子早退驚常流買園招野鶴鑿井動潛虬

自言酒中趣一斗勝涼州  
飄然拂衣去親愛挽不留  
隱居亦何樂素志庶可求  
所亡嗟無幾所得不啻酬  
青春為君好白日為君悠  
山鳥奏琴筑野花弄閑幽  
雖辭功與名其樂實素侯  
至今清夜夢尚驚冠豸頭  
誰能載美酒往以大白浮  
之子雖不識因公可與遊

中隱堂詩

并敘

少山宰王君紳其祖故蜀人也避亂來長安而遂家焉其居第園圃有名長安城中號中隱堂者是也子之長安王君以書戒其子弟邀予遊且乞詩甚勤因為作此五篇

去蜀初逃難遊秦遂不歸園荒喬木老堂在昔人非  
鑿石清泉激開門野鶴飛退居吾久念長恐此心違  
徑轉如脩蟒坡垂似伏鼈樹從何代有人與此堂高  
好古嗟生晚偷閑歇久勞王孫早歸隱塵土汚君袍  
二月驚梅晚幽香此地無依依慰遠客皎皎似吳姝  
不恨故園隔空嗟芳歲徂春深桃李亂笑汝益羈孤  
翠石如鸚鵡何年別海濤貢隨南使遠載墜謂舟偏  
已伴喬松老那知故國遙金人解解漢汝獨不潛然  
都城更幾姓到處有殘碑古隧埋蝌蚪崩崖露伏龜  
安排壯亭榭收拾費金貲岫嶺何須到韓公浪自悲

鳳翔八觀并敘

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荆州二子蓋悲世悼俗自傷不見古人而欲一觀其遺迹故其勤如此鳳翔當秦蜀之交士大夫之所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓

冬十二月歲辛丑我初從政見魯史舊聞石鼓今見之文字遺詩律故也

在口韓公好古生已遲我今况又百年後強尋偏旁推點畫時得一二遺八九我車既攻馬亦同其魚維

鱣貫之柳

其詞云我車既攻我馬既同又云其魚維鱣貫之柳何能然維理何以貫之惟揚與抑惟此六

多句不可詰通古器縱橫猶識鼎象星錯落僅名斗模糊

半已似癡臆詰曲猶能辨肥肘娟娟缺月隱雲霧濯

濯嘉禾秀茂莠漂流百戰偶然存獨立千載誰與友

上追軒頡相唯諾下揖冰斯同敵毅憶昔周宣歌鴻

鴈當時籀史變蝌蚪獸亂人方思聖賢中興天為生

者耆東征徐虜闕虓虎北伏犬戎隨指族象骨雜沓

貢狼鹿方邵聯翩賜圭卣遂因鼓聲思將帥豈為考

擊煩矇眊何人作頌比崧高萬古斯文齊岫嶠勲勞  
 至大不矜伐文武未遠猶忠厚欲尋年歲無甲乙豈  
 有名字記誰某自從周衰更七國竟使秦人有九有  
 掃除詩書誦法律投奔俎豆陳鞭紐當年誰人佐祖  
 龍上蔡公子牽黃狗登山刺石頌功烈後者無繼前  
 無偶皆云皇帝巡四國烹滅強暴救黔首六經既已  
 委灰塵此鼓亦當遭擊剖傳聞九鼎淪泗上欲使萬  
 夫沉水取暴君縱欲窮人力神物義不汙秦垢是時  
 石鼓何處避無乃天公令鬼守興亡百變物自閑富  
 貴一朝名不朽細思物理坐歎息人生安得如汝壽

咀楚文碑於開元寺東  
今墓在開元寺東  
年之故墓邪准南土  
則雍非長安  
此乃古碑也

嶂滌開元寺髮髻祈年觀舊築掃成空古碑埋不爛  
 詛書雖可讀字法嗟久換詞云秦嗣王敢使祝用瓚  
 先君穆公世與楚約相捍質之於巫咸萬葉期不叛  
 今其後嗣王乃敢構多難刳胎殺無罪親族遭圍絆  
 計其所稱訴何啻築紂亂吾聞古秦俗面詐背不汗  
 豈惟公子印社鬼亦遭謾遠哉七十歲後我一笑祭

王維吳道子畫

何處訪吳畫普門與開元開元有東塔摩詰留手痕  
吾觀畫品中莫如二子尊道子實雄放浩如海波翻  
當其下手風雨快筆所未到氣已吞亭亭雙林間彩  
暈扶桑暎中有至人談寂滅悟者悲涕迷者手自捫  
蠻君鬼伯千萬萬相排競進頭如龜摩詰本詩老佩  
芷蘘芳蓀今觀此壁畫亦若其詩清且敦祇園弟子  
畫鶴骨心如死灰不復溫門前兩叢竹雪節貫霜根  
交柯亂葉動無數一一皆可尋其源吳生雖妙絕猶  
以畫工論摩詰得之於象外有如仙翻謝籠樊吾觀  
二子皆神俊又於維也無雜無間言

維摩像唐楊惠之塑在天柱寺

昔者子與病且死其友子祀往問之躄躄鑿井白嘆  
息造物將安以我為今觀古塑維摩像病骨磊嵬如  
枯龜乃知至人外生死此身變化浮雲隨世人豈不  
頑且好身雖未病心已疲此叟神完中有恃談笑可  
却千態羅當其在時或問法僂首無言心自知至今  
遺像兀不語與昔未死無增虧田翁俚婦那肯顧時  
有野鼠術其鬚見之使人每自失誰能與結無言師

東湖

吾家蜀江上江水綠如藍爾來走塵土意思殊不堪

况當岐山下風物尤可慙有山秃如赭有水濁如泔  
不謂郡城東數步見湖潭入門便清奧恍如夢西南  
泉源從高來隨坡走涵涵東去觸重阜盡為湖所貪  
但見蒼石竊開口吐清甘借汝腹中過胡為目眈眈  
新荷弄晚涼輕棹極幽探飄飄忘遠近偃息遺佩簪  
深有龜與魚淺有螺與蚌曝晴復戲雨戢戢多於簪  
浮沉無停餌倏忽遽滿籃絲緡雖強致瑣細安足戡  
聞昔周道興翠鳳棲孤嵐飛鳴飲此水照影弄鱗鱗  
此古也至今多梧桐合抱如彭聃綵羽無復見上有  
鷗搏鵠嗟子生雖晚考古意所攸圖書已漫漶猶復

坊橋郊卷阿詩可繼此意久已舍扶風古三輔政事  
豈汝諸聊為湖上飲一縱醉後談門前遠行客劫劫  
無留驂問胡不回首無乃赴朝參予今正踈懶官長  
幸見函不辭日遊再行恐歲滿三暮歸還倒載鍾鼓  
已館館音第

真興寺閣

山川與城郭漠漠同一形市人與鷗鵲浩浩同一聲  
此閣幾何高何人之所營側身送落日引手攀飛星  
當年王中令斫木南山頽寫真留閣不鐵面眼有稜  
身強八九尺與閣兩嵒嶭古人雖暴恣作事今世驚



登者尚呀喘作者何以勝均不觀此閣其人勇且英

李氏園

李氏正園也公為王氏所有

朝遊北城東回首見脩竹下有朱門家破牆圍古屋  
舉鞭叩其戶幽響答空谷入門所見夥十步九移目  
異花兼四方野鳥喧百族其西引溪水活活轉牆心  
東注入深林林深窓戶綠水光兼竹淨時有獨立鷓  
林中百尺松歲久蒼鱗感豈惟此地少意恐關中獨  
小橋過南圃夾道多喬木隱如城百雉挺若舟千斛  
陰陰日光淡黯黯秋氣蓄盡東為方池野鴈雜家鶩  
紅梨驚合抱映島孤雲覆春光水溶漾雪陣風翻撲

其北臨長溪波聲卷平陸北山卧可見蒼翠間繞秀  
我時來周覽問此誰所築云昔李將軍負險乘哀村  
抽錢筭間口但未權羨粥當時奪民田失業安敢哭  
誰家美園圍籍沒不容贖此亭破千家鬱鬱城之麓  
將軍竟何事蟻蝨生刀鞘何嘗載美酒來此駐車轂  
空使後世人間名頸猶縮縮後正謂其妻也我今官  
正閑屢至因休沐人生營居止竟為何人卜何當辦  
一身永與清景逐

秦穆公墓

秦穆在城東墓在城中無百步乃知昔未有此城秦

人以泉識公墓昔公生不誅孟明豈有死之日而忍  
用其良乃知三子徇公意亦如齊之二子從田橫古  
人處一飯尚能殺其身今人不復見此等乃以所見  
疑古人古人不可望今人益可傷

和子由開子瞻將知終南太平宮谿堂讀

書

役名則已勤徇身則已媮我誠愚且拙身名兩無謀  
治者學書判近亦知問因但知今當為敢問嚮所由  
上方其未得唯以不得憂既得又憂失此心浩難收  
惟如倦行客中路逢清流塵埃雖未脫暫憇得一湫

我欲走南澗春禽始嬰吻靴掌久不決雨來已徂秋  
橋山日月迫府縣煩差抽王事誰敢愬民勞吏宜羞  
中間雁早暝欲學喚雨鳩千夫挽一木十步八九休  
渭水涸無泥菑堰旋挿脩對之食不飽餘事更違求  
近日秋雨足公餘試新芻劬勞幸已過朽鈍不任鍤  
秋風迫吹帽西阜可縱遊聊為一日樂慰此百日愁  
將往終南和子由見寄

人生百年寄鬢鬢富貴何帝陵中草惟將翰墨留漆  
濡絕勝醉倒蛾眉扶我今廢學如寒草久不吹之認  
欲無歲云暮矣嗟幾餘欲往南溪侶禽魚秋風吹雨

涼生膚夜長耿耿添漏壺窮年弄筆衫袖烏古人有  
之我願如終朝危坐學僧趺閉門不出閑履是下視  
官爵如泥淤嗟我何為久踟躕歲月豈肯為汝居僕  
夫起鬢秣吾駒

七月二十四日以久不雨出禱磻溪是日  
宿號縣二十五日晚自號縣渡渭宿於僧  
舍曾閣閣故曾氏所建也夜久不寐見壁  
有前縣令趙薦留名有懷其人

龕燈明滅欲三更欹枕無人夢自驚深谷留風終夜  
響亂山倚月半床明故人漸遠無消息古寺空來看

姓名欲向磻谿問姜叟僕夫屢報斗杓傾

二十六日五更起行至磻溪未明

夜入磻溪如入峽照山炬火落驚猿山頭孤月耿猶  
在石上寒波曉更宣至入舊隱白雲合神物已化遺  
蹤蜿安得夢隨霹靂駕馬上傾倒天瓢翻

是日自磻溪將往陽平憇於麻田青峰寺  
之下院翠麓亭

不到峯前寺空來渭上村此亭聊可喜修徑豈辭捫  
谷映朱欄秀山含古木尊路窮驚石斷林缺見河奔  
馬困斯青草僧留薦晚飧我來秋日午旱久石床溫

安得雲如蓋能令雨瀉盆共看山下稻涼葉晚翻翻  
二十七日自陽平至斜谷宿於南山中

龍寺

橫槎晚渡碧澗口騎馬夜入南山谷音谷谷中暗水響  
瀧瀧嶺上疎星明煜煜寺藏巖底千萬仞路轉山腰  
三百曲風生飢虎蕭空林月黑驚鷹窺窠竹入門突  
兀見深殿照佛青熒有殘燭媿無酒食待遊人旋斫  
杉松煮溪蕨板閣獨眠鶻椀枕木魚曉動隨僧粥起  
觀萬瓦鬱參差日亂千巖散紅綠門前商賈負樹奔  
山後咫尺連巴蜀何時歸耕江上田一夜心逐南飛

鷓鴣

是日至下馬磧憩於北山僧舍有閣曰懷  
賢南直斜谷西臨五丈原諸葛孔明所從  
出師也

南望斜谷口三山如犬牙西觀五丈原鬱屈如長蛇  
有懷諸葛公萬騎出漢巴吏士寤如水蕭蕭聞馬過  
公才與曹丕豈止十倍加顧瞻三輔間勢若風捲沙  
一朝長星墜竟使蜀婦睡山僧豈知此一室老煙霞  
往事逐雲散故山依渭斜客來空弔古清淚落悲笳

東坡集卷第一

東坡集卷第二

詩八十二首

和子由記園中草木十一首

煌煌帝王都赫赫走群彘  
汝獨何為閉門觀物變  
微物豈足觀汝獨觀不勸  
牽牛與葵藜採摘入詩卷  
吾聞東山傳置酒攜嫵婉  
富貴未能忘聲色聊自遣  
汝今又不然時節看瓜蔓  
懷寶自足珍菡蘭那計晚  
吾歸於汝處慎勿差歲晚

荒園無數畝草木動成林  
春陽一已敷妍醜各自矜  
蒲萄雖滿架困倒不能任  
可憐病石榴花如破紅襟

葵花雖繁繁帶淺不勝簪叢萎晚可喜輕紅隨秋深  
物生感時節此理等廢興飄零不自由盛亦非汝能  
種栢待其成栢成人亦老不如種叢篁春種秋可倒  
陰陽不擇物美惡隨意造栢生何苦艱似亦費天巧  
天工巧有幾肯盡為汝耗君看藜與藿生意常草草  
萱草雖微花孤秀能自拔亭亭亂葉中一一芳心挿  
牽牛獨何畏詰曲自牙葉未尋荆與榛如有宿昔約  
南齋讀書處亂翠曉如潑偏工貯秋雨歲歲壞籬落  
蘆筍初似竹稍開葉如蒲方春節抱甲漸老根生鬚  
不愛當夏綠愛此及秋枯黃葉倒風雨白花搖江湖

江湖不可到移植苦勤劬安得雙野鴨飛來成畫圖  
行樂惜芳晨秋風常苦早誰知念離別喜見秋瓜老  
秋瓜感霜霰莖葉颯已槁宦遊歸無時身若馬繫皂  
悲鳴念千里耿耿志空抱多憂竟何為使汝玄髮縞  
官舍有叢竹結根問囚廳下為人所徑土密不容釘  
慙慙戒吏卒挿棘護中庭礎忽墮裂走鞭瘦吟呻  
我常攜枕簟來此蔭寒青日暮不能去卧聽窓風冷  
芎藭生蜀道白芷來江南漂派到關輔猶不失芳甘  
濯濯翠莖滿悒悒清露涵及其未花實可以資筐籃  
秋節忽已老苦寒非所堪斲根取其實對此微物慙

自我來關輔南山得再遊山中必何有草木媚深幽  
菖蒲人不識生此亂石溝山高霜雪苦苗葉不得抽  
下有千歲根感縮如蟠虬長為鬼神守德薄安敢偷  
我歸自南山山翠猶在目心隨白雲去夢繞山之麓  
汝從何方來笑齒粲如玉襟懷出新詩秀語奪山綠  
覺來已茫昧但記說秋菊有如採樵子入洞聽琴筑  
歸來寓遺聲猶勝人間曲八月十二日夜宿南亭  
詩數十篇夢中甚愛之及覺  
雅記一句云蟋蟀悲秋菊

野菊生秋澗芳心空自知無人驚歲晚唯有暗蛩悲  
花開澗水上花落澗水湄菊葉蚤亦蟄與汝歲相期

楚客方多感秋風詠江離落英不滿袖何以慰朝飢

周公廟廟在岐山西北七八里廟後百許

步有泉依山湧冽異常國史亦謂潤德泉

世亂則竭者也

吾今那復夢周公尚喜秋來過故宮翠鳳舊依山碑

兀清泉長與世窮通至今遊客傷離黍故國諸生詠

雨濛牛酒不來烏鳥散白楊無數暮號風

南溪之南竹林中新構一茆堂予以其所

處最為深遠故名之避世堂

猶恨溪堂淺更穿脩竹共高人不畏虎避世已無心

隱几頽如病忘言兀似燕茆淡追上古冠蓋謝當今  
曉夢殘呼覺秋懷鳥伴吟暫來聊解帶屢去欲攜衾  
湖上行人絕塔前暮雪深應逢綠毛叟扣戶夜抽簪  
自清平鎮遊樓觀五郡大秦延生仙遊往  
反四日得十一詩寄舍弟子由同作

樓觀

鳥噪樓呼晝開門寂寥誰識古皇尊青牛久已辭  
輓白鶴時來訪子孫山近朔風吹積雪天寒落日淡  
孤村道人應怪遊人衆汲盡塔前井水渾

五郡

古觀正依林麓斷居民來就水泉甘亂竅赴涓爭趨  
北飛鳥迎山不復南羽客衣冠朝上象野人香火祝  
春蠶汝師豈解言符命山鬼何知託老聃觀有明皇  
碑言帝老

子告以享國  
長久之意

授經臺乃南山一峯耳  
非復有築臺

舞有神通草聖海山無事化琴工此臺一覽秦川  
小不待傳經意已空

大秦寺

晃蕩平川盡坡陀翠巖橫忽逢孤塔迥獨向亂山明  
信足幽尋遠臨風却立驚原田浩如海衮衮盡東傾



仙遊潭

五首潭上有寺三二在潭北西  
里餘後馬路北上為西路至北寺東路  
可騎馬而西然滿潭水漲不可上以  
一木為橋不致過故南寺有  
塔望之可愛而終不能到

翠壁下無路何年雷雨穿光搖巖上寺深到影中天

我欲然犀看龍應抱寶眠誰能孤石上危坐試僧禪

潭

東去愁攀石西來怯渡橋碧潭如見試白塔苦相招

野餽愁微薄村沽慰寂寥路窮斤斧絕松桂得干霄

寺南

唐初傳有此亂後不留碑畏虎關門早無村得米遲

山泉自入甕野桂不勝炊信美那能久應先學恣飢

寺北

未應將軍聘初後季直遊絳紗生不識蒼石尚能留

豈害依梁冀何須困李侯吾詩慎勿刻疎鶴為君羞

馬齋  
石室

洞裏吹簫子終年守獨幽石泉為曉鏡山月當簾鉤

歲晚杉楓盡人歸霧雨愁送迎應鄙陋誰繼楚臣謳

玉女  
洞

愛玉女洞中水既致兩蚌恐後復取而為

使者見給因破竹為契使寺僧藏其一以

為往來之信戲謂之調水符

欺謾久成俗關市有契繻誰知南山下取水亦置符  
古人辨淄澠較若鶴與鳧吾今既謝此但視符有無  
常恐汲水人智出符之餘多防竟無及弃置為長牙  
自仙遊回至黑水見居民姚氏山亭高絕  
可愛復想其上

山鷓曉辭谷似無遊人起出門猶屢顧慘若去吾里  
道途險且迂繼此復能幾溪邊有危構歸駕聊復扼  
愛此山中人縹渺如仙子平生慕獨往官爵同一徒  
明為此谿邊眷眷若有故國恩久未報念此慙且此

臨風浩悲叱萬世同一軌何年謝簪紱丹砂留叱咤  
南谿有會景亭處衆亭之間無所見甚不  
稱其名余欲遷之少西臨斷岸西嚮可以  
遠望而力未暇特為製名曰招隱仍為詩  
以告來者庶幾遷之

飛簷臨古道高榜勸遊人未即令公隱聊須濯路塵  
那羨分聚落煙火傍城闌林缺湖光漏凶明野意新  
居民誰白帽過客謾朱輪山好留歸屐風迴落醉巾  
他年誰改築舊製不須因再到吾雖老猶堪作坐賓  
凌虛臺

才高多感激道直無往還不如此臺上舉酒邀青山  
青山雖云遠似亦識公顏崩騰赴幽賞披豁露天慳  
落日銜翠壁暮雲點煙驂浩歌清興發故意未禮刪  
是時歲云暮微雪灑袍班吏退迹如掃賓來勇躋攀  
臺前飛鴈過臺上彫弓彎聯翩向空墜一笑驚塵闌

竹飈

野人獻竹飈腰腹大如盎自言道旁得採不費置罔  
鷓夷讓圓滑混沌慙瘦爽兩牙雖有餘四足僅能髣  
逢人自驚蹶悶若兒脫襦念茲微陋質刀几安足枉  
就禽太倉卒羞愧不能饗南山有孤熊擇獸行豈掌

溪陂魚

陂在那縣

霜筠細破為雙掩中有長魚如卧劍紫符穿顛氣慘  
悽紅鱗照坐光磨閃攜來雖遠鬣尚動烹不待熟指  
先添坐客相看為解顏香粳飽送如填塹早歲嘗為  
荆渚客黃魚屢食沙頭店濱江易採不復珍盈尺輒  
弃無乃僭自從西征復何有欲致南京嗟久欠游鱸  
瑣細空自腥亂骨縱橫動遭砭故人遠餽何以報客  
俎久空鷲忽贍東道無辭信使頻西隣幸有庖蒸爨

讀道藏

嗟予亦何幸偶此琳宮居宮中復何有戢戢千函書

盛以丹錦囊冒以青霞裾王喬掌關籥蚩尤守其廬  
乘閑竊掀攪涉獵豈暇徐至人悟一言道集由中虛  
心閑反自照皎皎如芙蓉千載狀世去此言乃遠蔭  
人皆忽其身治之用土苴何暇及天下幽憂吾未除  
十二月十四日夜微雪明日早往南谿小  
酌至晚

南谿得雪真無價走馬來看及未消獨自披榛尋履  
迹最先犯曉過朱橋誰憐破屋眠無處坐覺村飢語  
不囂惟有暮鷓知客意鷓飛千片落寒條

九月中曾題二小詩於南溪竹上既而忘

之昨日再遊見而錄之

湖上蕭蕭疎雨過山頭靄靄暮雲橫陂塘水落荷將  
盡城市人歸虎欲行

誰謂江湖居而為虎豹宅焚山豈不能愛此千竿碧

司竹監燒葦園因召都巡檢柴貽勗左咸  
以其徒會獵園下

官園刈葦歲留槎深冬放火如紅霞枯槎燒盡有根  
在春雨洗皆萌芽黃狐老兔最狡捷賣侮百獸常  
矜誇年年此厄竟不悟但愛蒙密爭來家風迴焰卷  
毛尾熱欲出已被蒼鷹遮野人來言此最樂徒手時

出歸滿車巡邊將軍在近邑呼來颯颯從牙又戍兵  
久閑可小試戰鼓雖凍猶堪櫓雄心欲搏南澗虎陣  
勢頗學常山蛇霜乾火烈聲爆野飛走無路蹄且呀  
迎人截來春逢箭避火逸去窮投置擊鮮走馬殊未  
厭但恐落日催棲鷓弊旗什鼓坐數獲鞍挂雉兎肩  
分慶主人置酒聚狂客紛紛醉語晚更譁燎毛燔肉  
不暇割飲啗直欲追羲媧青丘雲夢古所叱與此何  
帝百倍加苦遭諫疏說夷羿又被賦客朝淫奢豈如  
閑官走山邑放曠不與趨朝衙農工已畢歲云暮車  
騎雖少賓殊佳酒酣上馬去不告獵獵霜風吹帽斜

和子由木山引水二首

蜀江久不見滄浪江上枯槎遠可將去國尚能三攢  
載汲泉何愛一夫忙崎嶇好事人應笑冷淡為歡意  
自長遙想納涼清夜永窓前微月照汪汪  
千年古木卧無梢浪卷沙翻去似瓢幾度過秋生鮮  
暈至今派潤應江潮法然疑有蛟龍吐斷處人言霹  
憲焦材大古來無遠用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈  
運能使江山似永嘉縱飲坐中遺白恰幽尋盡處見

桃花不堪山鳥啼歸去長道王孫苦憶家

華陰寄子由

三年無日不思歸夢裏還家旋覺非臘酒送寒催去  
國東風吹雪滿征衣三峯已過天浮翠四扇行看日  
照靡里堠消磨不禁盡速攜家餉勞驂駝

和董傳留別

麤繒大布裹生涯腹有詩書氣自華厭伴老儒烹飲  
葉強隨舉子踏槐花囊空不辦尋春馬眼亂行看棹  
背車得意猶堪誇世俗詔黃新濕字如鴉

次韻柳子玉見寄

薄雷輕雨曉晴初陌上春泥未濺裾行樂及時雖在  
酒出門無侶漫看書遙知寒食催歸騎定把鳴夷載  
後車他日見邀須強起不應辭病似相如

送曾子固倅越得燕字

醉翁門下士雜選難為賢曾子獨超軼孤芳陋群妍  
昔從南方來與翁兩聯翩翁今自憔悴子去亦宜然  
賈誼窮遠楚樂生老思燕那因江繪美遠厭天庖鱣  
但苦世論隘聒耳如蜩蟬安得萬頃池養此橫海鱣

王頤赴建州錢監求詩及草書

我昔識子自武功寒廳夜語樽酒同酒闌燭盡語不

盡倦僕立寐僵屏風丁寧勸學不死訣自言親受方  
瞳翁嗟余聞道不早悟醉夢顛倒隨盲聾爾來憂患  
苦摧剥意思蕭索如霜蓬羨君顏色愈少壯外慕漸  
少由中充河車挽水灌腦黑丹砂伏火入頰紅大梁  
相逢又東去但道何日辭樊籠未能便乞峒嶺令官  
曹似是錫與銅留詩河上慰離別草書未暇緣忽忽

秀州僧本瑩靜照堂

鳥囚不忘飛馬繫常念馳靜中不自勝不若聽所之  
君看厭事人無事乃更悲貧賤苦形勞富貴嗟神疲  
作堂名靜照此語子謂誰江湖隱淪士豈無適時資

老死不自惜扁舟自娛嬉從之恐莫見況肯從我為

石蒼舒醉墨堂

人生識字憂患始姓名粗記可以休何用草書誇神

懜恍令人愁我嘗好之每自笑君有此病何

年廖自言其中有至樂適意無異逍遙遊近者作堂  
名醉墨如飲美酒銷百憂乃知柳子語不妄病嗜土  
炭如珍羞君於此藝亦云至堆墻敗筆如山丘興來  
一揮百紙盡駿馬倏忽踏九州我書意造本無法點  
畫信手煩推求胡為議論獨見假隻字片紙皆藏收  
不減鍾張君自是下方羅趙我亦優不須臨池更苦

學完取絹素充家祠

送安博秀

失解西歸

舊書不厭百迴讀

深思子自知他年名宦恐不

免今日栖遲

昔家居斷還往著書不復窺

園葵竭來東遊

歸奔去舊學後兒嬉狂謀謬

百不遂惟有霜

如期故山松栢皆手種行且拱

矣歸何時萬事早知皆有命十年浪走寧非癡與君

未可較得失臨別惟有長嗟咨

送任俊通判黃州兼寄其兄孜

吾州之豪任公子少年盛壯日千里無媒自進誰識

之有材不用今老矣別來十年學不厭讀破萬卷詩

愈美黃州小郡闔谿谷茅屋數家依竹葦知命無憂

子何病見賢不薦誰當恥平泉老令更何悲六十青

衫貧欲死桐鄉遺老至今泣潁川大姓誰能善因君

寄聲問消息莫對黃鷄矜爪觜

和子由初到陳州見寄二首

道喪雖云久吾猶及老成如今各衰晚那更治刑名

懶惰便擲散疎狂託聖明阿奴須碌碌門戶要全生

舊隱三年別杉松好在不吾今尚眷眷此意恐悠悠

閉戶時尋夢無人可說愁遠來送別處饒人渡寄南州



次韻子由綠筠堂

愛竹能延客求詩剗挂墻風梢千壽亂月影萬夫長  
谷鳥驚基響山蜂識酒香只應陶靜節會聽此幽涼

送劉放倅海陵

君不見阮嗣宗臧否不挂口莫誇舌在牙齒牢是中  
惟可飲醇酒讀書不用多作詩不須工海邊無事日  
日醉夢魂不到蓬萊宮秋風昨夜入庭樹尊終未老  
君先去君先去幾時迴劉郎應白髮桃花開不開

送錢藻出守婺州得英字

老手便劇郡高懷厭承明聊紆東陽綬一濯滄浪纓

水陽佳山水未到意已清過家父老喜出郭壺泉  
子行得所願愴恨居者情吾君方急賢日旰坐適英  
黃金招樂毅白璧賜虞卿子不少自貶陳義空嶺嶭  
古稱為郡樂漸恐煩敲榜臨分敢不盡醉語醒還驚  
送呂希道知和州

去年送君守解梁今年送君守歷陽年年送人作太  
守坐受塵土堆胸揚君家聯翩三將相富貴未已今  
方將鳳雛驥子生有種毛骨往往傳諸郎觀君岷嶓  
負奇表便合劍佩趨明光胡為小郡屢奔走征馬未  
解風帆張我生本自便江海忍恥未去猶徬徨無言

贈君有長歎美哉河水空洋洋

次韻王誨夜坐

愛君東閣能延客顧我閑官不計負榮杖頻過如未  
厭卜居相近豈辭遷莫將詩句鶻搖落漸喜罇罌省  
撲緣待約月明池上宿夜深同看水中天

送文與可出守陵州

壁上墨君不解語見之尚可消百憂而況我友似君  
者素節凜凜欺霜秋清詩健筆何足數逍遙齋物追  
莊周奪官遣去不自覺曉梳脫髮誰能收江邊亂山  
亦如赭陵陽正在千山頭君知遠別懷抱惡時遣墨

君解我愁

送劉道原歸觀南康

晏嬰不滿六尺長高節萬仞陵首陽青衫白髮不自  
歎富貴在天那得忙十年閉戶樂幽獨百金購書收  
散亡竭乘東觀弄丹墨聊借舊史誅姦強孔融不肯  
下曹操汲黯本自輕張湯雖無尺箠與寸口吻排  
擊含風霜自言靜中閱世俗有似不飲觀酒狂衣巾  
狼籍又屢舞旁人大笑供千場交用翩翩去略盡惟  
我與子猶徬徨世人共弃君獨厚豈敢自愛恐子傷  
朝來告別驚何速歸意已逐征鴻翔匡廬先生古君

子挂冠兩紀鬢未蒼定將文度置膝上喜動隣里烹  
豬羊君歸為我道姓名幅巾他日容登堂

出都來陳所乘船上有題小詩八首不知  
何人有感於余心者聊為和之

蛙鳴青草泊蟬噪垂楊浦吾行亦偶然及此新過雨  
鳥樂忘且羣魚樂忘鈎餌何必擇所安滔滔天下是  
煙火動村落晨光尚熹微田園處處好淵明胡不歸  
我行無疾徐輕楫信溶漾船留村市鬧聞菰寒波漲  
舟人苦炎熱宿此喬木灣清月未及上黑雲如頽山  
萬竅撼地籟衝風散天池喧喧瞬息間還挂斗與箕

頽水非漢水亦作蒲萄綠恨無襄陽兒今唱銅鞮曲  
我詩雖云拙心平聲韻和年來煩惱盡古井無由波

次韻張安道讀杜詩

大雅初微缺派風因暴豪張為詞客賦變作楚臣騷  
展轉更崩壞紛綸閱俊髦地偏蕃怪產源失亂狂濤  
粉黛迷真色魚鮪易豸牢誰知杜陵傑名與譎仙高  
掃地收千軌爭標看兩艘詩人例窮苦天意遣奔逃  
塵閣人亡鹿溟譙帝斬鼉艱危思李牧述作謝王褒  
失意各千里哀鳴聞九皋騎鯨遁滄海持帚得縹袍  
巨筆屠龍手微官似馬曹迂踈無事業醉飽死遊遨

簡牘儀刑在兒童篆刻勞今誰主文字公合把旌  
開卷選相憶知音兩不遭般斤思郢質鯁化酒縮  
恨我無佳句時蒙致白醪慙慙理黃菊未遣沒蓬蒿

送張安道赴南都留臺

我公古仙伯超然美門容何懷濟物志遂為世所磨  
黃龍遊帝郊蕭韶屬來儀終然反溟極豈復安籠池  
出入四十年憂患未嘗辭一言有歸意闔府諫莫移  
吾君信英睿搜士及茹茨無人長者側何以安子思  
歸來掃一室虛白以自怡遊於物之初世俗安得知  
我亦世味薄因循鬢生絲出處良細事從公當有時

傳堯俞濟源草堂

微官共有田園興老罷方尋隱退廬栽種成陰十年  
事倉皇求買萬金無先生卜築臨清濟喬木如今似  
畫圖鄰里亦知偏愛竹春來相與護龍雛

陸龍圖詵挽詞

挺然直節庇我岷謀道從來不計身屬纊家無十金  
產過車巷哭六州民塵埃輦寺三年別樽俎岐陽一  
夢新他日思賢見遺像不論宿草更沾巾

成都有思賢閣畫諸

胡完夫母周夫人挽詞

拍舟高節冠鄉隣絳帳清風聳措紳豈似凡人但慈  
母能令孝子作忠臣當年織屨隨方進晚節揮觴見  
伯仁回首悲涼便陳迹凱風吹盡棘成薪

和柳子玉過陳絕糧

次韻二首

風雨蕭蕭夜晦迷不須鳴叫強知時多才久被天公  
怪闕食惟應爨婦知杜叟挽衣那及脛顏翁食粥敢  
言炊詩人情味真嘗遍試問於君底事虧  
如我自觀猶可厭非君誰復肯相尋圖書跌宕悲年  
老燈火青熒語夜深早歲便懷齊物意微官敢有濟  
時心南行十里成何事一聽秋濤萬鼓音

潁州初別子由二首

征帆挂西風別淚滴清潁留連知無益惜此須臾景  
我生三度別此別尤酸冷念子似元君木訥剛且靜  
寡詞真吉人介石乃機警至今天下士去莫如子猛  
嗟我久病狂意行無坎并有如醉且墜幸未傷輒醒  
從今得閑暇默坐消日永作詩解子憂持用日三省  
近別不改容遠別涕沾胸咫尺不相見實與千里同  
人生無離別誰知恩愛重始我來宛丘牽衣舞兒童  
便知有此恨留我過秋風秋風亦已過別恨終無窮  
問我何年歸我言歲在東離合既循環憂喜迭相攻

悟此長太息我生如飛蓬多憂髮早白不見六一翁

歐陽少師令賦所蓄石屏

何人遺公石屏風上有水墨希微蹤不畫長林與巨  
植獨畫我眉山西雪嶺上萬歲不長之孤松崖崩澗  
絕可望不可到孤煙落日相溟濛含風偃蹇得真態  
刺畫始信天有工我恐畢宏韋偃死葬號山下骨可  
朽爛心難窮神機巧思無所教化為煙霏淪石中古  
來畫師非俗士摹寫物象略與詩人同願公作詩慰  
不遇無使二子含憤泣幽宮

陪歐陽公燕西湖

謂公方壯鬚似雪謂公已老光浮頰竭來湖上飲美  
酒醉後劇談猶激烈湖邊草木新著霜芙蓉晚菊爭  
煌煌插花起舞為公壽公言百歲如風狂赤松共遊  
也不惡誰能忍饑啖仙藥已將天壽付天公彼徒幸  
苦吾差樂城上烏棲暮靄生銀缸畫燭照湖明不辭  
歌詩勸公飲坐無相伊能撫箏

十月二日將至渦口五里所遇風留宿

長淮久無風故意弄清快今朝雪浪滿始覺平野隘  
兩山控吾前吞吐久不暈孤舟繫桑本終夜舞澎湃  
舟人更傳呼弱纜恃管蒯平生傲憂患久已括百怪

鬼神欺吾窮戲我聊一噫餅中尚有酒信命誰能戒

出潁口初見淮山是日至壽州

我行日夜向江海楓葉蘆花秋興長平淮忽迷天遠  
近青山久與船低昂壽州已見白石塔短棹未轉黃  
茅岡波平風軟望不到故人久立煙蒼茫

壽州李定少卿出餞城東龍潭上

山鷓噪處古靈湫亂沫浮涎遠客舟未暇然犀照奇  
鬼欲將燒燕出潛蚪使君惜別催歌管村巷藹呼聚  
獲徯此地他年頌遺愛觀魚并記老莊周

濠州七絕

塗山 下有絲廟村

用銷支祁水尚渾地理汪罔骨應存樵蘇已入黃能

廟烏鵲猶朝禹會村

彭祖廟 祖所採服也

跨歷商周看盛衰欲將齒髮鬪地龜空餐雲母連山  
盡不見蟠桃著子時

逍遙臺 莊子祠堂在開元時即基為堂

常怪劉伶死更埋豈伊忘死未忘飲烏為奪得與  
壤誰信先生無此懷

觀魚臺

次將同異較錙銖肝膽猶餘楚  
理了今知我我知魚

虞姬墓

帳下佳人拭淚痕門前壯士氣如雲  
蒼皇不負君王意只有虞姬與鄭君

曰望亭

大和中刺史劉嗣之立亭神以

存而亭廢者數年矣

頽垣破礎沒荆荆故老猶言短亭亭敢請使君重起  
廢落震孤鶩換新銘

浮山洞

洞在淮中夏水不能及而冬不加高故人疑其浮也

人言洞府是鼇宮升降隨波與海通  
共坐船中那得見乾坤浮水水浮空

東坡集卷第二



東坡集卷第三

詩七十六首

泗州僧伽塔

我昔南行舟繫汴逆風三日沙吹面舟人共勸禱靈  
塔香火未收旗脚轉回頭項刻失長橋却到龜山未  
朝飯至人無心何厚薄我自懷私欣所便耕田欲雨  
刈欲晴去得順風來者怨若使人人禱輒遂造物應  
須日千變我今身世兩悠悠去無所逐來無戀得行  
固願留不惡每到有求神亦倦退之舊云三百尺澄  
觀所營今已換不嫌俗士汗丹梯一看雲山遠淮甸

龜山

我生飄蕩去何求  
再過龜山歲五周  
身行萬里半天  
下僧卧一庵  
初白頭地隔中原  
勞北望潮連滄海欲  
東遊元嘉舊事無人記  
故壘摧頽今在不宋文帝遣

武築城

教洪澤中塗遇大風復還

風浪忽如此  
吾行欲安歸  
掛帆却西邁  
此計未為非  
洪澤三十里  
安流去如飛  
居民見我還  
勞問之依依  
攜酒就船賣  
此意厚莫違  
醒來夜已半  
岸木聲向微  
明日淮陰市  
白魚能許肥  
我行無南北  
適意乃所祈

何勞弄滋漉  
終夜搖凶靡  
妻孥莫憂色  
更典篋中衣

十月十六日記所見

風高月暗雲水黃  
淮陰夜發朝山陽  
山陽曉霧如細  
雨烟烟初日寒  
無光雲收霧卷已  
亭午有風北來寒  
欲僵忽驚飛電穿  
戶牖迅駛不復容  
遮防市人顛沛  
百賈亂疾雷一聲  
如頽墻使君來呼  
晚置酒坐定已  
復日照廊恍疑西  
見皆夢寐百種變  
怪旋消亡共言  
蛟龍厭舊穴魚鼈  
隨徙空陂塘愚儒  
無知守章句論  
說黑白推何祥  
惟有主人言可用  
天寒欲雪飲此觴  
廣陵會三同舍各  
以其字為韻仍邀  
同賦

劉貢父

去年送劉郎醉語已驚衆如今各漂泊筆硯誰能弄  
我命不在天弄教未必中作詩聊遣意老大慵譏諷  
夫子少年時雄辯輕子貢爾來再傷弓戢翼念前痛  
廣陵三日飲相對恍如夢况逢賢主人白酒撥春甕  
竹西已揮手灣口猶屢送羨子去安閑吾邦正喧閤

孫巨源

三年客京輦憔悴難具論揮汗紅塵中但隨馬蹄翻  
人情責往返不報生旣恨坐令平生友終歲不及門  
南來實清曠但恨無與言不謂廣陵城得逢劉與孫

異趣一兩之譬如王公孫吾儕久相聚恐見疑排根  
我痴類中散子通真巨源絕交固未敢且復東南奔

劉莘老

江陵昔相遇幕府稱上賓再見明光宮我冠挹搢紳  
如今三見子坎坷為逐臣朝遊雲霄間欲分丞相茵  
莫浴江湖上遂與屈子隣子不見喜愠子豈真可入  
邂逅成一歡醉語出天真士方在田里自化清真  
出試乃大謬芻狗難重陳歲晚多霜露歸耕當及辰

遊金山寺

我家江水初發源一遊直送江入海聞道潮頭一丈

高天寒尚有沙痕  
仕中冷南畔石盤陀  
古來出沒隨  
濤波試登絕頂望  
鄉國江南江北青山多  
羈愁畏晚  
尋歸楫山僧苦留  
看落日微風萬頃靴文細  
斷霞半  
空魚尾赤是時江  
月初生魄二更月落天深黑  
江心  
似有炬火明飛焰  
照山棲鳥驚悵然歸卧心  
莫識非  
鬼非人竟何物江  
山如此不歸山江神見怪  
驚我頑  
我謝江神豈得已  
有田不歸如江水  
是夜所見如

自金山放船至焦山

金山樓觀何耽耽  
江鍾擊鼓聞淮南  
焦山何有有備  
竹採薪汲水僧兩  
一雲霧浪打人迹絕  
時有沙戶祈

春蚕我來金山更  
四宿而此不到  
心懷慙同遊盡返  
決獨往賦命窮  
江潭清晨無風浪  
自湧中流歌  
蕭倚半酣老僧下  
山鶴客至迎笑喜  
作巴人談自言  
久客忘鄉井  
只有一灘勸為同龕  
因祇得就紙帳暖  
飽  
食未厭山蔬甘  
山小臥臥古亦有無  
田不遠寧非  
展禽雖未三見  
黜心夜自知  
七不堪行當  
接効謝  
組為我佳處留  
亦吳人謂山中可田者為

甘露寺

江山豈不好  
獨道佳山易闌  
但有相攜人  
何必素所譽  
我欲訪甘露  
當途而問官  
二千舊不識  
欣然肯聽

古郡山為城層梯峻朱欄樓臺巖崖上地窄天水寬  
一覽吞數州山長江漫漫却望大明寺惟見烟中竿  
很石卧庭下穹隆如伏獅緬懷卧龍公挾策事瑠璣  
一談收制子再說走老瞞名高有餘想事往無留觀  
蕭翁古鐵鑊相對空團團坡陁受百斛積雨生微瀾  
泗水逸周鼎渭城辭漢盤山川失故態怪此能獨完  
僧繇六化人霓衣挂小嶽隱見十二疊觀者疑夸謾  
破板陸生畫青猊戲如上有二天人揮手如翔鸞  
筆墨雖欲盡典刑垂不燕共贊皇公英姿凜以寒  
古柏親手種挺然誰不撐雲峯裂根入石窟蟠

雜草得新碑斬崖出金棺瘞藏豈不牢見伏理可欺  
四雄皆龍虎遺迹儼未刊方其盛壯時爭奪肯少安  
廢興屬造物遷逝誰控搏况彼妄庸子而欲事所難  
古今共一軌後世徒辛酸聊興廣武歎不待雜門彈

次韻子由柳湖感物

憶昔子美在東屯數開茆屋蒼山根朝吟草木調蠻  
獠欲與猿鳥爭秋喧子今憔悴衆所弃驅馬獨出無  
往還惟有柳湖萬株柳清陰與子供朝昏胡為譏評  
去不少借生意凌挫難為繁柳雖無言不解愠世俗  
乍見應憮然嬌姿共愛春濯濯豈問空腹俯地蟠朝

看濃翠傲炎赫夜愛疎影搖清圓風翻雪陣春絮亂  
蠹響啄木秋聲堅四時盛衰各有態搖落淒愴蘄寒  
温南山孤松積雪底抱凍不死誰復賢

送蔡冠卿知饒州

吾觀察子與人遊掀虺笑語無不可平時儻蕩不羈  
俗臨事迂闊乃過我橫前坑穿衆所畏布路金珠誰  
不裹尔來變化驚何速昔號剛強今亦頗憐君獨守  
廷尉法晚歲却理鄱陽柁莫嗟天驥逐羸牛欲試良  
玉頂猛火世事徐觀真夢寐人生不信長轆轤知君  
决獄有陰功他日老人酬魏顆

次韻楊褒早春

窮巷淒涼苦未和君家庭院得春多不辭瘦馬騎衝  
雪來聽佳人唱踏莎破恨徑須煩翹藥增年誰復怨  
羲娥良辰樂事古難並白髮青衫我亦歌細雨郊園  
聊種菜冷官門戶可張羅放朝三日君恩重睡美  
不知身在何

初到杭州寄子由二絕

眼看時事力難任貪戀君恩退未能遲鈍終須後  
効去使君何日換龔丞  
聖明寬大許全身衰病摧頽自畏人莫上岡頭苦相

望吾方祭竈請比隣

次韻柳子玉二首

地爐

細聲蛩蚓發銀餅擁榻橫眠天未明  
衰髮鑷殘歌雪領壯心降盡倒風柱  
自稱丹竈錙銖火倦聽山城長短更  
聞道床頭惟竹几夫人應不解卿卿

俗謂竹几為竹夫人

紙帳

亂文龜殼細相連慣卧青綾恐未便  
絮似僧中白疊布暖於蠻帳紫茸氈  
錦衾速卷持還客破屋那愁仰見天  
但恐嬌兒心睡夜添踏裂不成眠

曠日遊孤山訪惠勤惠思二僧

天欲雪雲滿湖樓臺明滅山有無  
水清出石魚可數林深無人鳥相呼  
曠日不歸對妻孥名尋道人實自娛  
道人之居在何許寶雲山前路盤紆  
孤山孤絕誰肯廬道人有道山不孤  
紙窓竹屋深自暖擁榻坐膝依圓蒲  
天寒路遠愁僕夫整駕催歸及未曠  
出山迴望雲木合但見野鷗盤浮圖  
茲遊淡泊歡有餘到家恍如夢遽遽  
作詩火急追亡適清景一失後難摹

李杞寺丞見和前篇復用元韻答之

獸在藪魚在湖一入池檻歸期無誤  
隨弓趁雪塵土

坐使鞭笞環呻呼追胥連保罪及孥  
近同保其家  
百日愁歎一日娛白雲舊有終老約  
紆人生何者非適廬故山鶴怨秋猿  
紆何時自駕麻車去掃除白髮煩  
草蒲麻鞋短後隨獵夫射弋獲兔  
供朝脯陶潛自作五柳傳潘閔畫入  
三峰圖吾年稟稟今幾餘知非不去  
慙衛遠歲荒無術歸亡道鶴則  
易畫虎難摹

再和

東望海西望湖山平水遠細欲無  
野猿狂逐漁釣刺史寬大容歌呼  
君恩飽暖及爾才者不開拙

者娛穿潭度嶺脚力健未厭山水相  
縈紆三百六十古精廬出遊無伴並  
與孤作詩雖未造潘閔破悶豈不賢  
擄浦君才敏贖兼百夫朝作千篇日  
未哺竭來湖上得佳句從此不看管  
丘園知君篋積富有餘莫惜錦繡惜  
營遺窮多閱論誰先遁賭取名畫不  
用摹遊靈隱寺得來詩復用前韻

君不見錢塘湖錢王壯觀今已無  
屋堆黃金斗量珠運盡不勞折簡呼  
四方官城散其孥宮闕留與閑人  
娛盛衰哀樂兩漸史何用多憂心  
營紆溪山處處皆可廬最愛靈隱  
飛來林為松百丈蒼髯鬚巖樓下  
笑



柳與蒲高堂會食羅千夫撞鐘擊鼓宣朝脯凝香方  
丈眠靴能飽勝衣被縫海圖清風時來撫睡餘  
羲皇傲兀遽歸時棲鴉正畢通孤煙落日不可摹

歐子由

宛丘先生長如丘宛丘學舍小如舟常時低頭誦經  
史怒然欠伸屋打頭斜風吹帷雨注面先生不愧傍  
人羞仕長飽死笑方朔肯為兩立求秦傷眼前勃磈  
不足道處置六鑿須天遊讀書萬卷不讀律致君堯  
舜知無術勸農冠蓋開如雲逸老鹽齏甘似蜜門前  
萬事不掛眼頭雖長低氣不屈餘抗別駕無功勞畫

堂五文容折掩重樓空雨聲遠屋多人少風驟  
平生所惡今不恥坐對疾風更鞭箠道逢陽虎呼與  
言心知其非口諾唯存高志下真何益氣節消縮今  
無幾文章小技安足往先山別駕舊齊名如今衰老  
俱無用付與時人分正輕

越州張中舍壽樂堂

青山偃蹇如高人常時不肯入官府高人自與山有  
素不待招邀滿庭戶卧龍蟠屈半東州萬室鱗鱗枕  
其股背之不見面無同孤衣反衣無乃魯張君眼力  
覩天與能遣荆詠化堂宇持願宴坐不出門收攬奇

秀得十五才多事少厭閑對卧看雲煙變風雨笋如  
玉筋樵如簪強飲且為山作主不憂兒輩知此樂但  
恐造物怪多取春濃睡之午凶明想見新茶如潑乳

姚屯田挽詞

京口年來耆舊衰高人  
不見恬侯萬石時貧  
宮遲七年一別真如夢  
猶記蕭然瘦鶴姿

送岑著作

願者常似靜靜豈能  
天子靜且直雖容時卷  
我復何為相得飲有餘

我本不違世而世與  
人皆笑其狂子獨憐  
居而我懶拙病不受  
俱後會豈無時遂恐  
廬

吉祥寺賞牡丹

人老簪花不自羞  
笑十里埭簾半上鉤

吉祥寺僧求閣名

過眼榮枯電與風  
久長那得似花紅  
上人宴坐觀空

閣觀色觀空色即空

和劉道原見寄

敢向清時怨不容直嗟吾道與君東坐談足使淮荆  
懽歸去方知莫此空獨鶴不須驚夜旦群鳥未可辨  
雌雄廬山自古不到處得與幽人子細窮

和劉道原詠史

仲尼憂世接輿狂滅穀雖殊竟兩亡吳客漫陳豪士  
賦柏侯初笑越人方名高不朽終安用日飲無何計  
亦良獨掩陳編弔興廢白前山雨夜浪浪

和劉道原寄張師氏

仁義大捷徑詩書一抔亭相夸綬若若猶誦麥青青  
腐鼠何勞赫高鴻本自冥顛狂不用喚酒盡漸須醒

送張職方吉甫赴陶漕六和寺中作

羨君超然鸞鶴安江湖欲下還飛去空使吳兒怨不  
留青山漫漫七閩路門前江水去掀天寺後清池碧  
玉環君如大江日千里我如此水千山底

雨中遊天竺靈感觀音院

蠶欲老麥半黃前山後山雨浪浪農夫輟耒女廢筐  
白衣仙人在高堂

和蔡準郎中見邀遊西湖三首

夏潦漲湖深更幽西風落木芙蓉秋飛雪閣天雲拂  
地新蒲出水柳映洲湖上四時看不足惟有人生飄  
若浮解顏一笑豈易得主人有酒君應留君不見錢  
塘遊官客朝推囚暮決獄不因入喚何時休  
城市不識江湖幽如與蟋蟀語春秋試令江湖處城  
市却似麋鹿遊汀洲高人無心無不可得坎且止乘  
流浮公卿故舊留不得遇所得意終年留君不見拋  
官豈澤令琴無絃中有酒醉欲眠時遣客休  
田間決水鳴幽幽種秧未遍麥已秋相攜燒筍苦竹  
寺却下踏藕荷花洲船頭斫鮮細縷縷船尾炊玉香

浮浮臨風飽食得甘寢肯使細故胸中留君不見壯  
士憔悴時饑謀食渴謀飲功名有時無罷休

和子由柳湖久酒忽有水開元寺山茶舊

無花今歲盛開

太昊祠東鐵墓西一樽曾與子同攜回瞻郡閣遙飛  
檻北望檣竿半隱堤飯豆羹藜思兩鴟飲河巽水賴  
長規如今勝事無人共花下壺盧鳥勸提  
長明燈下石欄干長共杉松闢歲寒葉厚有稜犀甲  
健花深少態鶴頭丹久陪方丈曼陀雨羞對先生首  
霜盤雪裏盛開知有意明年歸後更誰看

六月二十七日望湖樓醉書

黑雲翻墨未遮山  
白雨跳珠亂入船  
卷地風來忽吹散  
望湖樓下水如天

放生魚鼈逐人來  
無主荷花到處開  
水枕能令山俯仰  
風船解與月裴回

烏菱白芡不論錢  
亂繫青荻裹綠盤  
忽憶嘗新會靈觀  
滯留江海得加餐

戲花游女木蘭桡  
細雨斜風濕翠翘  
無限芳洲生杜若  
吳兒不識楚詞招

未成小隱聊中隱  
可得長閑勝暫閑  
我本無家更安

往故鄉無此好湖山

七月一日出城舟中苦熱

涼飈呼不來  
流汗方被體  
稀星乍明滅  
暗水光瀾瀾  
香風過蓮葉  
驚枕裂鮐鯉  
欠伸酒餘起  
坐濯清泚  
火雲勢方壯  
未受月露洗  
身欲安適  
坐待東方啓

宿餘杭法喜寺寺後綠野亭望吳興諸山

懷孫莘老學士

徙倚秋原上  
淒涼晚照中  
水涵天不盡  
人遠思何窮

問謀知秦過  
看山識禹功  
餘杭姑皇所給舟地也

稻涼初吠蛤  
柳老半書蟲  
荷背風翻白  
蓮腮雨透紅

追遊慰遲暮覓句效兒童北望蒼溪轉遙情寒澤通  
烹魚得尺素好在紫髯翁

宿臨安淨土寺

鷄鳴發餘杭到寺已亭午參禪固未暇飽食及先務  
平生睡不足急掃清風宇閉門群動息香篆起煙縷  
覺來烹石泉紫筍發輕乳晚涼沐浴罷衣髮掃可數  
浩歌出門去暮色入村塢微月半隱山圓荷半瀉露  
相攜石橋上夜與故人語明朝入山房石鏡炯當路  
昔照熊虎姿今為猿鳥顧廢興何足弔萬世一仰俯  
自淨土少至功臣寺

落日岸葛巾晚風吹羽扇松間野步穩竹外飛橋轉  
神功鑿橫嶺巖石得巨片直度千人濤下有微流注  
岡巖蔚回合金碧爛明綉緬懷異姓王負擔此鄉勝  
長逢跨下辱屐乞桑間飯誰謂山石頑識此希世產  
禦寇英氣逼屹起猶聳戰他年萬騎歸父老恣歡宴  
錦繡被原野金珠散貪賤寶融既入朝吳芮空記面  
榮華坐銷歇閱世如郵傳惟有長明燈依然照深殿

遊徑山

衆峰來自天目山勢若駮馬奔平川中途勒破千里  
足金鞭玉轡相回旋人言山住水亦住下有萬古蛟

龍淵道人天眼識王氣結茆宴坐荒山巔精誠貫山  
石為裂天女下試顏如蓮寒窓暖足來朴握衣鉢呪  
水降蜿蜒雪眉老人朝扣門願為弟子長參禪爾來  
廢興三百載奔走吳會輸金錢飛樓湧殿墜山破朝  
鍾暮鼓驚龍眠晴空偶見浮海蜃落日下數投村鳥  
有生共處覆載內擾擾膏火同烹煎近來愈覺世議  
隘每到寬處差安便嗟余老矣百事廢却尋舊學心  
茫然問龍乞水歸洗眼欲看細字銷殘手龍亦水洗  
病眼有效

自徑山回得呂察推詩用其韻招之宿湖  
上

多君貴公子愛山如愛色心隨禁舟去夢遶千山  
新詩到中路令我喜折屐古來軒冕徒操槍兩悲慄  
數朝詞箚笏兩脚得暫赤歸來不入府却走湖上宅  
寵辱吾久忘寧畏官長詰飄然便欲去誰在子思側  
君能從我遊出郭及未黑

宿望湖樓再和

新月如佳人出海初弄色娟娟到湖上瀲灩搖空碧  
夜涼人未寢山靜聞響屐入故多感悲秋更慘慄  
君胡不相就朱墨紛黜赤我行得所嘗十日忘家宅  
但恨無友生詩病莫訶詰君來試吟味定作鶴頭側

改罷心愈疑滿紙紋地黑

夜泛西湖五絕

新月生魄迹未安纔破五六漸盤桓今夜吐艷如半璧遊人得向三更看

三更向闌月漸垂欲落未落景特奇明朝人事誰料得看到蒼龍西沒時

蒼龍已沒牛斗橫東方芒角昇長庚漁人放筒及未

曉船過惟有菰蒲聲湖上禁漁昔  
空釣若也

菰蒲無邊水茫茫荷花夜開風露香漸見燈明出遠

寺更待月黑看湖光

湖光非鬼亦非仙風恬浪靜光滿川頃更兩兩入寺去就視不見空茫然

焦千之求惠山泉詩

茲山定空中乳水滿其腹遇隙則發見臭味實一簇淺深各有值方圓隨所蓄或為雲洶涌或作綫斷續或鳴空洞中雜佩間琴筑或流蒼石縫宛轉龍鸞戲崢嶸走四海真偽半相瀆貴人高宴罷醉眼亂紅綠赤泥開方印紫餅截圓玉傾甌共歎賞竊語笑僮僕豈如泉上僧盥灑自挹掬故人憐我病勸籠上寄新護夕伸北窓下晝睡美方熟精品飲及泉願子致一



斛

答任師中次韻來詩勸以

閑裏有深趣常憂兒輩知已成歸蜀計誰借買山資  
世事久已謝故人猶見思平生不飲酒對子敢論詩  
沈諫議名遊湖不赴明日得雙蓮於北山  
下作一絕持獻沈既見和又別作一首因

用其韻

湖上棠陰手自栽問公更得幾回來水仙亦恐公歸  
去故遣雙蓮一夜開  
詔書行捧綬金殿樂府應歌相府蓮華忘今年花發

處西湖西畔北山前

和歐陽少師

會老堂次韻

一時冠蓋盡嚴終舊  
年來豈易逢闕道堂中延蓋  
丈之應牀下拜梁松  
魚自晒閑箱篋科斗長收古  
鼎鍾我欲弃官重問  
寸筵何以得春容

和歐陽少師寄趙少師次韻

朱門有遺啄千里來燕雀公家冷如水百呼無一諾  
平生親友半遷逝公雖不怪旁人愕世事如今臘酒  
醜交情自古春雲薄二公凜凜和非同疇昔心親豈  
願從白頭相映松間鶴  
何句更平酬雪裏鴻何日揚

雄一屨足却追范蠡五湖中

監試呈諸試官

我本山中人寒苦盜寸心  
文詞雖少作勉強非天稟  
既得旋廢忘懶惰今十八  
麻衣如冱若墨水真可飲  
每聞科詔下白汗如流  
此邦東南會多士敢題品  
芻蕘盡蘭蓀香不數葵苳  
貧家見珠貝眩晃自難審  
緬懷嘉祐初文格變已廿  
十金碎全壁百納收寸錦  
調和樹桂職咀嚼沙礫  
廣眉成半頰學步歸踴蹇  
維時老宗伯氣墜群兒面  
龍不世出魚鮪初驚滄  
至齊久乃信知味猶食世  
今天下士微管幾左社

謂當千載後石室祠高  
以爾來又一變此學初誰  
於權衡破舊法芻豢大凡  
以高言追衛樂篆刻鄙曹沈  
先生周孔出弟子淵  
篤取却顧老鈍軀頑朴謝  
錫錢諸君況才傑容我懶  
且亦聊欲廢書眠秋濤春  
午枕望海樓晚景五絕

海上濤頭一線來樓前拍  
顧雪成堆從今潮上君須  
上更看銀山二十回

橫風吹雨入樓斜壯觀應  
須好句誇雨過潮平江海  
碧電光時掣紫金蛇

青山斷處塔層層隄岸人  
家喚欲應江上秋風晚來

急為傳鍾鼓到西興

樓下誰家燒夜香玉笙哀怨弄初涼臨風有客吟秋

扇拜月無人見晚粧

沙河燈火照山紅歌結喧喧語笑中為問少年心在

否角巾歌倒鬢如蓬

試院煎茶

蟹眼已過魚眼生颯然欲作松風鳴蒙茸出磨細珠

落眩轉遠甌飛雪輕心瓶瀉湯誇第二未識古人煎

水蕊姑語云煎茶君不口凡昔時李生好客手自煎貴後

活火發新泉又不見口時潞公煎茶學西蜀定州

甕琢紅玉我今貧病長苦飢分無玉盤捧娥眉且學

公家作茗飲搏爐石鈿行相隨不用撐腸拄腹文字

五千卷但願一甌常及睡足自高時

孫莘老求墨妙亭詩

蘭亭蠶紙入昭陵世間遺迹猶龍騰顏公變法出新

意細筋入骨如秋鷹徐家父子亦秀絕字外出力中

藏稜嶧山傳刺典刑在千載筆法留陽冰杜陵評書

貴瘦硬此論未公吾不憑短長肥瘠各有態玉環飛

燕誰敢憎吳興太守真好古購買斷缺揮縑繪龜趺

入坐螭隱壁空齋晝靜聞登登奇蹤散出走吳越勝

事傳說誇友用書來乞詩要自寫為把栗尾書給藤  
後來視今猶視昔過眼百世如風燈他年劉郎憶賀  
監還道同時湏伏膺

李公擇求黃鶴樓詩因記舊所聞於馮當  
世者

黃鶴樓前月滿川抱關老卒飢不眠夜聞三人笑語  
言羽衣著屐響空山非鬼非人意其仙石扉三扣聲  
清圓洞中鏗鉉落門關縹緲入石如飛煙雞鳴月落  
風馭還迎拜稽首願執鞭法非其人骨腥膻黃金乞  
得重莫肩持歸包裏弊席禮夜穿茅屋光射天里問

來觀已  
歸有  
願君

似石非石鉛非鉛或取而有衆忿喧訟  
年無功暴得喜欲顛神人戲汝真可憐  
不然此語可信馮公傳

八月十日夜看月有懷子由并崔度賢良

宛丘先生自不能更笑老崔窮百巧一更相過三更  
歸古柏陰中看參昴去年舉君首霜盤夜傾闕酒赤  
如丹今年還看去年月露冷遙知范村寒典衣自種  
一頃豆那知積雨生科斗歸來四壁草蟲鳴不如王  
江長飲酒

王江陳  
州道人


催試官考較戲作

八月十五夜月色隨處好不擇茆簷與市樓況我官  
居似蓬島鳳唼堂前野橘香劍潭橋畔秋荷老八月  
十八潮壯觀天下無鯤鵬水擊三千里組練長驅十  
萬夫紅旗青蓋互明滅黑沙白浪相吞屠人生會合  
古難必此景此行那兩得願君聞此添蠟燭門外白  
袍如立鵠

八月十七復登望海樓自和前篇是日勝  
出余與試官兩人復留五首

樓上煙雲怪不來樓前飛紙落成堆非關文字須重  
看却被江山未放迴

眼昏燭暗細行斜考閱精強外已誇明日失杯君莫  
怪早知安足不成地  
亂山遮曉擁千層睡美初涼撼不應昨夜酒行君屢  
歎定知歸夢到吳興  
天台桂子為誰香倦聽空階夜點涼賴有明朝看潮  
在萬人空巷闢新粧  
秋花不見眼花紅身在孤舟兀兀中細雨作寒知有  
意未教金菊出蒿蓬



北極三卷

七

書